

**Isumaginninnermi perorsaasutut ilinniarneq pillugu Inatsisartut peqqussutaata
allanngortinnissaa pillugu Inatsisartut inatsisissaattut siunnersuut
(Aalajangersimasumik ukioqarnissamik piumasaqaatit atorunnaarsinnerat aamma
maalaaruteqarnissamut piffissaliussamik erseqqissaaneq)**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSISSIONTA

Peqqussutissatut siunnersuutip aappassaaneerneqarnerani saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq suliarinninnermini ukuninnga inuttaqarpoq:

Harald Bianco, Inuit Ataqatigiit
Debora Kleist, Inuit Ataqatigiit
Andreas Uldum, Demokraatit
Malik Berthelsen, Siumut
Knud Kristiansen, Atassut

UPA 10-mi ulloq 13. april 2010-mi siullermeerinerup kingorna siunnersuut
Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap misissorpaa.

Siunnersuutip imarisaa

Siunnersuutikkut siunertarineqarpoq:

1. Ilinniartut 20-t inorlugit ukiullit ilinnialernissamut piumasaqaatinik naammassinnissimagunik isumaginninnermi perorsaasutut ilinniatitaanermik aallartitsinissamut akuerineqarsinnaaqqullugit ilinnialernissamik akuerineqarnissamut 20-nik ukioqarnissamik killiliinerup peerneqarnissaa.
2. Naammagittaalliuutip tunniunneqareerfissaatut killigitinneqartup erseqqissaatiginera, tamanna peqqussummi suliassaqarfimmum atuuttumi allassimanngimmat.

Ataatsimiititaliap siunnersuummik suliarinninna

Siunnersuut partiinit tamanit tapserneqartoq ataatsimiititaliamit oqaatigineqassaaq. Isumaginninnermi perorsaasutut ilinniarneq pillugu Inatsisartut peqqussutaanni allanik allannguiteqartitsinissaq pisariaqartinneqarnersoq Atassutip kissaateqarneratigut ataatsimiititaliamit misissorneqarpooq. Tassunga atatillugu danskisuuni kapitali 9-mi misiliilluni aaqqissuussinernut tunngasumi naqinnerliugaq iluarseqquillugu Naalakkersuisut ataatsimiititaliamit qinnuigineqarput, tassani allassimalluni:

"§ 24. Landsstyret kan godkende sådanne afvigelser fra denne forordning, som muliggør for forsøgsordninger".

Ima allassimasariaqaraluarpoq:

§ 24. Landsstyret kan godkende sådanne afvigelser fra denne forordning, som muliggør for forsøgsordninger”.

Tamatuma saniatigut allannguitissanik allanik saqqummiussinissaq ataatsimiititaliap pissutissaqarsorinngilaa. Inatsisartut peqqussutaani allanik allannguiteqartitsisoqarnissaanik kissaateqarnermik tusarniaanermut akissuteqaatit tiguneqartut imaqannginnerat matumani oqaatigineqassaaq.

Inassuteqaat

Oqaaseqaatit siuliani allassimasut siullermeerinermilu saqqummiunneqartut tunngavigalugit siunnersuut akuersissutigineqassasoq ataatsimiititaliamit isumaqatigiittumit inassutigineqarpooq.

Taama oqaaseqarluni ataatsimiititaliap siunnersuut aappassaaniigassanngortippaa.

Harald Bianco

Debora Kleist

Andreas Uldum

Malik Berthelsen

Knud Kristiansen